

喪

禮

吾

說

篇

西河合集

蕭山毛奇齡

字春庄
又名姓稿

文輝克有
遠亦如廣較

喪禮吾說篇

九

為人後者為所後父
母二年具妻同

為後古為人後者與近世繼嗣不同古所謂後必是
有地之君世爵世祿顯有國邑可傳者則為之立後
故後以人言亦以爵言以人言者爵在而人亡則繼
以人中庸繼絕世是也以爵言者人在而爵亡則繼
以爵論爵祿武仲以防求為後于魯是也降此非世

爵世祿則雖大夫士身死而仍不為後雜記有云士

之子為大夫其大夫死而無子則但借他大夫之子

為之主喪名曰置後而喪畢而即撤之置後者暫立

大夫曰非世爵故大夫死不止後注堯峰作置後解

疑此置後是立後曰大夫非大宗可立後乎答曰庶

姓而起為大夫獨非大宗與則不曉宗法又不解此

置後之非立後又不知庶姓為大夫不得立宗三失

之矣說見子故大記曰喪有無後無主謂喪之所

重但在主喪而苟其無後則聽之而不為理何則古

封建之世全在爵位而仍以宗祀為之名故天子諸

侯大夫士惟世傳之家則或祀七世或祀五世或祀

三世絕則繼之然猶五世七世人爵俱繼而三世大

夫但繼爵而不必繼人降此而庶士則惟適士祀二世而官師中下士祇祀一世身絕則已何況庶人是。以天子諸侯則每世有二人立後一天子諸侯一天子諸侯之弟也天子諸侯除本身相繼不絕外無弟則已有弟則推一適長者為之大宗以統此一世諸弟之後人于是立一大宗之廟以祀此大宗所自出之君百世不遷如三家為魯桓子得立魯桓廟類大宗絕則繼之所謂大宗收族不可以絕是也若此一世諸弟各分立小宗舊說有誤詳見通釋歷五世而宗一遷則雖絕不繼何則以親盡即遷非世祿也然則古之為後者惟天子諸

侯及大宗耳。其他雖公族大夫身死不繼。但祔于宗子之家。而况庶姓驟起世貴世賤。何所爲後。故春秋大夫爲後。皆其爵已絕。而求其人以嗣其爵。如季友爲叔牙立後。鄭厲公爲公叔段立後。魯以公孫嬰齊作公孫歸父之後。皆有人無爵。而求其人以後之。不必皆世絕。而繼以人。如天子諸侯者也。今郡縣之世。世爵已絕。子生父後。不可謂成父後。何則。父不必可後。子亦不必可成也。孫生祖後。不得謂之成祖後。何則。祖之後未必可成。孫之所成。未必卽祖之後也。况封建既亡。宗法不立。繼宗之說。尤爲無理。則今之所

云爲後者並非古禮不過曰繼嗣已耳其所謂繼嗣者亦並無成法不過曰義不忍絕則使之繼之已耳然而義之所在利卽隨之在昔有地之君國邑相殯公族子弟每多覬覦于其間故孔子嬰相之射直以干預人後者等之賁軍之將亡國之大夫何則杜覲覲也今士庶之家雖無國邑而亦有財產一當可繼則羣起爭之古禮旣無可爲據而時俗考制又無成說于是骨肉爭鬪兄弟殘殺展轉流毒深爲可憫先仲氏嘗曰不定之禮當限以一定之例如應繼者除三不繼外一兩不願

繼者與受繼者皆不願

二無遺命

生前不繼死後

無意三非同父之子嫡姪可同祭父祖其繼必以多

子者以次謂長繼長幼繼幼如長絕以大幼之幼繼謂之二繼

而有一必繼者曰繼貴蓋貴不可絕猶之古為後成

後之義而且賤祀三世貴得祀四世五世舊制庶人

世若貴則可祀四賤者祧貴者不可祧庶姓趙為貴

則即以立祀言俗所稱羹飯主者亦惟是有爵之家

可立世廟且可得延世祧耳不然繼子一世固得繼

祭至二世三世而此身即已人祧塋矣雖羹飯可食

乎

子衆子為庶母齊衰杖期其妻同夫為妻子
父母出母皆同

庶母有女并謂庶母必父妾之有子者若但有女
子與有子同而無子如何祭酒汪彩曰女子子卽子也兄弟男女
無異服卽兄弟也父之妾兄弟之母何殊焉然則子
殤如之何曰殤亦子也豈但殤子卽七歲以前尚未
成殤萬一其庶母先殤而死能無服乎

若母出母非所生無服

嫁母出母皆指所生母而言若繼母非

我所生則無服喪服有父卒繼母嫁亦從爲服期夫
繼母判合本屬路人祇以父謂之妻故我謂之母而
今已改嫁則義與父絕直路人矣以路人而爲之期
然且曰從父爲服何繆也

凡從服皆從所親者爲言

若嫡母改嫁

唐初亦議非所生與繼母等然仍俱服期總是過信喪服耳

出母不當以爲父後不服

喪服爲父後者則爲出母無服晉東哲

曾以此設問謂子旣無服則母爲子何服乎而步熊答云子之不得服母者以爲父後耳母則何後自當服期其說良是殊不知父亦何後可爲子亦何可爲父後伯魚爲夫子之後然其服出母期年猶哭未嘗無服也豈夫子無後可爲抑伯魚非夫子後與卽曰出母可無服如子思之子不服出母未爲不可但不得以爲後爲辭爲後傳重皆後儒所言非春秋以前

禮也。晉尚氏族與世爵相近，故猶據爲言。然總屬非
理。若出母爲前夫之子，亦服期。則在喪服與。今制
皆無之，而步熊云云，則必魏晉間有議服者。然此又
不必耳。

原母無故
不必服

嫁母與出母不同。出母雖得罪而去，然其

去可諒。若嫁非妻，穉子幼無大功以上親，則志存喪
貳矣。故漢石渠議禮，韋元成黜不制服，而宣帝從之。
卽晉皇密議亦然。惟庾蔚之謂子無絕母之義，當服
期年。然亦指所生母言。若唐天寶年，因赦定制爲出
母三年而嫁，母則有議心。喪三年并解任者，總屬非

理

祖父母 世父母 叔父母 兄弟 姑姊妹 兄

弟之子及室女 父母為子及女及子為人後者繼

母同為父母後者為所生父母及女為祖父父母女

出嫁為父母婦為夫昆弟之子及室女妻為夫

父母及妻及諸子及所生子隨母改嫁之父同居

而兩無大功以上親者皆齊衰不杖期

繼祖母與庶孫 父所生母二節以繼祖母即祖母庶孫父所生母

為父所生母二節以繼祖母即祖母庶孫父所生母

在他孫為庶祖母而庶孫即為祖母不易列也 制

文本崇簡令人自解而解 制文者又率茫無學識

而必依文以立義遂致此條有難明者予邑中無適

子惟三妻各有子而長妻之子乙兼有孫丙乃甲與

適妻先死而子乙繼亡大然後此長妾死于是親黨
爲孫丙議服而占禮今制並無可考當是時議禮
之家紛紛而起一謂宜承重三年今制嫡孫爲祖
父母承重以父死故也丙雖係庶孫而甲無長適且
父乙又死則承重矣制文簡括但一稱祖母而繼
祖母與父所生母皆在其中何則其祖母也若謂
制文所無有而卽不服將無繼祖母不承重乎一曰
不然禮最重爲後旣以庶子爲父後矣庶爲父後則
乙身之服猶且降三年而爲杖期何有于丙故朱氏
家禮云庶孫爲父所生母本服期而若爲祖後則不

服今丙不爲祖後乎于是有折中者謂制旣無有則自宜遵朱氏家禮定爲無服乃各將制文及家禮一本置之柩前然而出赴須丙名舊稱哀孫俗稱承重孫今旣不承重則當稱某服孫乃又無服可稱無已使次妾之子爲之命赴然而正赴名仍在也命赴係衆子制應杖期俗所稱杖期生者而正赴者反無服可名且喪重主後凡含歛饋奠皆主後事也此必非無服之人所當爲者展轉相視無一而可予嘗諦思之大承重之說亦卽爲後之說也承重以傳位而得所重猶之爲後以承位而得所傳也承重爲

後前已歷言其誤矣。今以一承重而謂當三年一又
以爲後而謂爲無服卽此一誤中而分作兩誤。毋論
甲乙與丙無後可爲亦無重可承而卽曰以支庶而
爲長適此亦虛名之無如何耳。乃次妾三妾皆有子
而皆三年而其子之子又皆得有祖母而爲之期年
而獨此一長妾者以子之居長且以常適而子旣降
期又未服而死而孫竟等之路人而功總之衰並不
一及是長適者不幸之名也夫。今制不明云孫爲
祖父母不杖期乎。鄭氏曰祖未傳位則皆庶孫耳。夫
適孫未傳位猶之庶孫况夫以庶孫而名適孫者乎。

今無位可傳無重可承亦無後可爲則雖庶孫名適
孫而一以庶孫處之庶孫爲祖父母期則其爲父所
生母亦期此較之古禮覈之今制而較然者
若大庶孫爲庶祖三年則舊曾議及之如晉劉智作
釋疑有曰庶子不傳重而死其孫當爲之三年否乎
曰應三年有甲于此庶子也庶子生乙乙生丙而乙
先卒丙當爲甲後而甲亡若謂祖不曾傳重不當三
年不幾與父卒爲祖父三年之制相刺謬乎惟時東
哲王敝皆是智言則是庶祖三年前儒早已議及之
父所生母卽庶祖之妻也幾有庶祖三年而庶祖之

妻不推例者予嘗謂近代俗儒但挾朱氏禮一編不若退觀前儒所言較爲曉暢然而予幼不主三年者以爲爲後傳重皆封建時例而非聖王相傳古今通續之達禮也魏晉尚氏族猶近封建故其所參駁終不能去爲後傳重四字卽博士杜琬駁劉智三年之議亦極言庶子不傳重不當三年本無大夫士之位但爲庶人忽承重而居諸父之右是祖本無重可傳而孫妄以重自居不可也其說甚當獨不思嫡之承重亦何重可傳而公然以重自居乎甲謝乙爲禿而不知甲首之本無髮何與

又或有父服祖三年而身亡然後祖母卒則孫服祖
母三年否乎在晉後亦議及之當時引後漢劉表說
謂婦人之服不踰其夫祖先服期祖母安得三年乎
又晉成粲云禮有適子無適孫父服祖三年則孫乃
受重于父不受重于祖矣祖且不受重亦何有乎祖
母况禮明云舅沒則姑老爲傳家事于長婦也今祖
死則祖母已老傳重豈老姑事耶

祖爲孫爲祖期則祖爲孫當大功喪服爲嫡孫期者
總爲傳重言之也賈公彥曰周道適子死當立適孫
將上爲祖後者也然而有適子者無適孫必也適子

死而後適孫成祖後故鄭氏曰適子在則適孫亦庶
孫耳庶孫印大功矣是必孫當傳重而又必子先死
而後可爲適孫服期今無重可傳又不問子在與否
而公然爲長孫服期得母于禮有難明者與

父母無爲長子三年在春秋以前未有此

禮惟左傳昭十五年周景王太子壽卒而穆后又崩
晉叔向謂王一歲而有三年之喪二其所云三年者
非謂穆后三年太子三年妻三年子又三年也以爲
天子絕期並無期年之喪祇有三年之喪而惟后與
太子之期雖天子不絕期此非期年而三年矣故曰

有三年之喪。二謂名爲三年也。杜預所謂雖服期而謂之三年是也。乃作士禮者于喪服三年章則實著曰父爲長子三年。然亦以其說難通。乃假爲傳曰何以三年也。正體于上。又乃將所傳重也。夫正者適也。師師立庶體者我所生也。適子早死而傳重者可師非正庶以傳我之位也。正體有疾不得必也正體于上。其在父與祖俱是適子。無庶子適孫。參預其間。而且其所服之長子。則又無廢疾。將來可以爲傳位之人。則然後三年故。漢儒戴聖與聞人通漢。皆以爲父爲長子斬者。以其爲五代之嫡也。雖馬融斷作五代。鄭氏

滅作四代然總非一世必如俗所稱高之曾曾祖孫
父子四代皆官房長官而長官長子又可爲官而然
後長官之子死而服三年也則世有五世仕宦皆屬
長適並無支庶可參預而所服長子又將人仕如此
禮者乎否乎而三年乎此大變也夫身非適則其子
不承父後父非適則其子不承祖後若其子非適則
兩不承父祖後此明明儒說也蓋周五經然否及虞
以並承祖以世非封建家無重位則雖四世五世原
補爲言可相承而究不得其所傳之物此固存其說而無所
用者而况喪服所始實誤解春秋卽曲爲之傳而仍

未通也是以漢魏以後並未舉行晉惠帝爲愍懷太子下議無服卽今制亦改爲期年而朱氏家禮必載之三年之中以致盛禮叔孫反有執朱禮以難今制者嗟乎何以有此

爲人後者爲本生父母服期疑義

今制爲人後者爲本生父母服期

此本之喪服不杖期章然喪服傳云爲人後者孰後後大宗也則專指大宗立後者言並非如今所云繼嗣者則以古士庶之家並無繼嗣之說予向每謂三代以前不立後不繼嗣非私言也今大宗禮絕反以此條移之于今世繼嗣之子謂出繼者爲本生父母

降不杖期此在舊儒亦屢屢議及斟酌不已然猶不
無過崇爲後厚抑本生之意大欲滅其親親之情以
使之親我不惟勢所不能卽我亦何賴此忘親之人
以使之爲子是非彼非所以崇此也故東晉徐邈嘗
謂漢宣上繼昭帝而史皇孫仍稱皇考賀循謂君爲
仲祖後雖父祖二代廢疾不宜猶服斬不降雖其所
議者仍是天子諸侯入嗣之禮與士庶無與然亦足
徵本生之不可以徒厚抑矣故欲如當時瑯琊王昱
爲生母終喪瑯琊孝王議爲生父武陵王服大功一
過一不及俱屬非禮今制不杖期雖本喪服然亦

情理所應但父母之喪不容過過子為嫁母出母尚服杖期而此反不杖似乎太薄憶康熙壬戌同官汪

桂奉使冊封琉球中山王還遭本生之變皇上特許其解任治喪且家居三年而後還院此與宋制解官心喪之令有恰合者嗣後應以此為制而加以杖則于情理稍愜然矣禮樂久廢全在損益况解任治喪現有成例此固吾學所今用者又豈止

吾說已耳

隨母改葬父喪服有繼父即繼母也嫁父也隨母改

居不同嫁父惟同居服期先同居而後異居服齊衰三月不

同居而祇異居無服此固庶賤之禮無足議者但喪服諄諄而今制又特存其例推其意不過謂隨母改嫁爲所撫養則亦與有恩焉耳特與服傳云乃出其貨財爲之築宮廟歲時使之祀而寒不與焉此固不止撫養之而且分財立家使續養祀則亦恩厚之至者其爲之期服宜也長洲汪氏作喪服義疑此宮廟爲大夫命士之廟謂世適則自有廟祀非世適當祭于宗子之家築廟何爲且繼父無子以同財而祭其祖廟則神歆非類民祀非族禮所禁也其爲說未嘗不善而實非者大此廟非春秋釋例所云八廟之

廟也。又非如廟制釋義有東西夾室曰廟無卽非廟也。古官師下士原有一廟庶人祭寢寢亦稱廟故堂左堂背凡棟極以後可以作寢則皆得以廟名之。旣已名廟卽可名宮爾雅室謂之宮是也。今以庶賤收嫁大功兩絕之家而以大夫命士之禮責之可乎。然且曰祭于宗子之家夫非天子諸侯而責以宗法則尤非分之至者。見傳明云爲其築宮廟使之自祭其父然且其母以更嫁之故不使與祭則是同於不同祀恩養之中又復有禮而反曰同祭祖禰神歆非類是禮文未解而遽以議禮禮不受也。

父母齊裝三月女同

兄弟姊妹
已嫁姑姊妹
兄弟女已嫁
爲人後

爲兄弟之爲人役者 妻爲夫之

嫁女爲本宗世叔父母及兄弟及兄

子及姊妹及兄弟之女在室者 皆大功九

11

檀弓有同母異父之服子游曰大功子夏

日齋縗而士禮喪服于大功章又並無此條夫喪服

傳爲子夏爲名者而傳不及此則齊纒之說不必果

子夏所言明矣但其禮經王鄭相難爲舊儒言禮者

大門戶故後此禮儒亦往往以此爲言禮之端但

主鄭二家俱主子游之說而義各異未嘗一是游
一是夏也惟蜀譙周謂外親正服皆總加者不過小
功而晉淳于睿則又據子夏之說謂其胞兄弟親于
同居之繼父繼父既期則兄弟自應齊緦此皆于子
游大功之外各另爲輕重別議服者要皆猥舛非正
禮不足道也今制于繼父同居有服而是獨無有
此則一本喪服爲據近長洲汪氏作說禮或問有云
禮同父母之昆弟期同父異母之昆弟大功顧可使
同母異父等于同父異母之服乎則遍考禮文並無
同父異母大功之文初淮安閻潛丘爲予言予曰此

必本同母異父文而傳寫者有差耳既言禮則定不出此而及觀其文果然何以言之豈予所見禮有未備耶姑記此以俟多學者

伯叔祖父母從伯叔父母再從兄弟姊妹在室者從姊妹嫁從兄弟之子室女在室祖姑

始兄弟之妻兄弟之孫及室女外祖父母母之兄弟姊妹姊妹之子婦為夫兄弟之孫及

室女為夫之姑姊妹為夫兄弟并妻為夫從兄弟之子及室女嫁女為本宗從兄弟姊妹未嫁

者為人後者為其姑姊姊嫁者皆小功五月

疑義古嫂叔無服之說蒙昧不解一云推而遠之

所以避嫌則五服之婦盡屬異姓而獨以嫂叔為嫌則偏而不通謂嫂屬父道婦屬子道姊妹雖同等

而輕重不倫則兄弟尊卑未嘗殊服而忽以嫂叔低
叩爲辭則曲而不達此固春秋以前無可考據原不
必以後儒禮文爲究辨者但魏太尉蔣濟作萬機論
以禮記嫂叔無服誤據喪服小功章爲言則不然小
功章云夫之姑姊妹娣姒婦報謂夫之女兄弟及妯
娣自相爲服也此中欲攬夫之昆弟與昆弟之妻更
相爲服諸語更屬不合故晉何晏與夏侯太初反駁
之惟中領軍曹羲謂敵體可服不必尊卑緣情制禮
不必同族伯叔母無骨肉之親而亦服期者以緣尊
也嫂則緣親矣夫妻母異域尚爲制服况嫂叔共在

一門之內同統先人之祀有相爲奉養之義而反無服紀豈不流哉當時袁准成祭皆是義言祭且謂從兄弟服降一等當服大功然終無定制至唐貞觀間太宗與侍中魏徵定爲小功則又復泥于娣姒婦報之文在小功章而檀弓又云小功不爲位也者是委巷之禮也子思之哭嫂也爲位因限爲小功實則喪服檀弓俱不足據且其爲疏義亦不甚合惜當時無成祭其人者以大功之說進之而止取小功爲位之文爲拘限也今制皆倣唐制無復損益要其理則又有如是者耳

孫婦 曾孫 玄孫 伯叔曾祖父母 從伯叔祖

父母 再從伯叔父母 三從兄弟姊妹在室者

在室曾祖姑從祖姑再從姑 兄弟之曾孫及室女

兄弟之孫女嫁 從兄弟之孫及室女 再從兄

弟之子及室女 從兄弟之女嫁 姑子 舅子

從母子 妻父母 從兄弟之妻 外孫及室女 兄弟孫婦

又從親姑在室者 從兄弟妻 婦為夫高曾祖父母

首為夫之從兄弟并妻 夫之從姊妹 夫再從

兄弟之子及室女 夫從兄弟之姊妹及子婦及孫

及室女及孫婦 夫兄弟之曾孫及女 嫁女為本

宗伯叔祖父母及室祖姑及再從伯叔父母及已嫁

從姑從姊妹及兄弟之子并室女 為人

後者為本生外祖父母 皆應廬三月

庶子為父後為祖後之說皆為天子諸侯

其母降期非禮焉

世爵而言予前已論之極詳不啻至于再至于三矣

庶子于生時本屬三年而荷為父後則直繼世爵公

羊所云母以子貴者

公羊傳多言合經而獨此四字與經合

縱不能

加並無減理而喪服于總服章有庶子爲父後者爲

其母一條此戰國後禮與春秋夫子之經並不相合

故漢晉以後未嘗依行而朱氏家禮必取此一條入

總服中夫爲後者傳重也傳重孰有如諸侯者春秋

十二公杜預謂惟莊公是適夫人長子餘皆庶子也

然而其庶母卒時夫子必一書曰夫人再書曰小君

未嘗有異詞何也晉范甯註穀梁傳謂宣公于生母

之喪如齊朝聘爲非禮而在漢儒許慎則直引左氏

說曰妾子爲君當尊其母有三年之喪而出爲朝會

非禮也則竟明指曰三年然此猶儒者之言也若昭
十一年公生母齊歸卒經書五月夫人歸氏薨九月
葬我小君齊歸而是時昭公不感晉叔向曰有三年
之喪而無一日之感不顧親也則明明曰三年之喪
在晉叔向賢大夫春秋最知禮之人而其言如此是
母以子貴傳有明証非復戰國後儒所可爭矣况鄭
志趙商按禘祫注稱春秋魯昭十一年夏夫人歸氏
薨十三年五月大祥七月而禘祫禘之月以此爲准
此在後漢去古未遠其文必重有據者是三年服喪
且按月數吾故謂春秋一書子夏不能贊則儀禮喪

服徒曰子夏名傳者自可不容置喙矣乃歷漢晉唐

五代去古彌遠而欲以已意纂孔子之書不亦異乎

安無服 古夫爲妾總喪服大夫爲貴妾總喪小記云

士妾有子而爲之總是大夫士皆總也且不止大夫

左傳晉少姜卒既葬齊使晏平仲請繼室于晉叔向

對曰寡君在縗絰之中雖其所云縗絰者究未知服

何等服然諸侯之爲妾服則可見矣故檀弓悼公母

死哀公爲之齊縗有若曰諸侯爲妾齊縗禮與亦惟

齊縗太重故有若訥之未嘗云不宜服也 今制無

妾服一條當是闕文不然妾子三年嫡子與衆子皆

服期今制加禮有如是而身獨無服可乎

凡同五世族屬在絕服外者皆祖免素服臨其喪凡殤服皆以次降一等且無緦麻杖經諸制

同、舊以十九至十六為長殤十五至十二為中殤十一至八歲為下殤七歲以下為無服之殤但家語女子十五而嫁獨譙周謂十五已上皆可昏娶則十九至十六非殤矣且十六成丁有成人之稱獨十五尚童歲耳晉袁淮作喪服傳改云十五至十三為長殤十二至十為中九至七為下六歲以下始無服今從之

西河合集

蕭山毛奇齡

字春初

江陰人

文

清康熙中

喪禮吾說篇十

葬服三等說

葬前後易服

古葬前易服鄭氏謂接神之道不可純凶故

易麻以頴易冠以弁檀弓所云弁經葛而葬者此必

臨葬一時所為耳係天子諸侯之禮漢唐以後並未

舉行此固無容辨及者也若葬後易服則在虞卒哭

後即易以稍輕之服名曰受服受服者謂接受初喪

之服。而以次相易。如易之受卦。然大抵衣與冠相承。
 衣之升數。其在初喪時。本重于冠。而今則卽以冠之。
 升數改而爲衣之升數。是以衣承冠而受。而服之。如衰
三升冠六升則受服爲衰此則喪節所必有者。然而
六升冠七升詳見服制今昔異制。麻纓草紵其織治疏密何所依仿。雖升數
 多寡世能言之。而究不合于時工之製。則亦徒存其
 說而已。故如期而葬。賤者三月仿士禮貴者五月仿諸侯禮
 則葬後之服。但略。而時衰稍爲輕重。而至于久葬之
 服。改葬之服。則舉世昧昧。何可不急就所見而疏正
 之。

久。然。不。除。服。葬。踰。時。而。葬。則。雖。在。卒。哭。祥。練。之。後。已。
後。服。祥。禫。兩。月。踰。時。而。葬。則。雖。在。卒。哭。祥。練。之。後。已。
經。除。服。而。仍。不。得。除。故。小。記。云。主。喪。不。除。服。主。喪。者。
謂。以。卑。主。尊。如。子。主。父。臣。主。君。妻。主。夫。類。若。以。尊。主。
卑。如。父。爲。子。主。君。爲。臣。主。類。則。皆。除。之。而。其。餘。旁。親。
小。記。所。云。以。麻。終。月。數。者。則。但。依。期。功。之。月。而。自。除。
其。服。惟。主。喪。者。本。身。之。弟。與。其。子。若。孫。則。亦。不。除。蕭。
望。之。謂。惟。主。喪。不。除。其。餘。皆。除。固。屬。武。斷。若。庾。氏。謂。
惟。傳。重。長。孫。爲。祖。曾。不。除。餘。皆。可。除。則。主。喪。之。弟。卽。
死。者。子。也。子。可。除。服。乎。惟。盧。植。云。下。子。孫。皆。不。除。斯。
爲。得。之。但。今。世。葬。親。動。多。愆。期。禮。教。不。行。公。然。除。服。

且有臨塋無衰麻者此大戾之甚無已或但于練織以後稍去重服而服輕素服以待卜宅至臨塋則仍服重服而臨期書計一如前時俗例葬計有孤哀子計至于喪親則除至喪之弟外聽其除服及臨塋時則各服應得之服名曰反服禮所云爲兄弟既除喪已及其葬也反服其服是也若夫葬後之服世復昧昧相沿爲練服三月此皆因喪服改葬總之文而致誤者嘗考久葬後服當服練一月織一月凡兩月並無三月之說喪小記云三年而後葬者必再祭其祭之間不同時而除喪謂三年未葬未服祥禫則必于

葬後行祥禫二祭而祭不同時必使隔月而行事則
兩月矣今久而未葬不知其葬前祥禫與否卽已祥
禫而總是未葬卽當以未祥未禫之禮行之故旣葬
之後須虞祭三日卒哭一日此不常數祥練之服一
月變服一月變卽緇青白色也凡兩月四日而畢喪此皆明
可據者

改葬服總至改葬之服禮無明文惟春秋莊三年葬

桓王傳穀梁舉改葬之禮以爲改葬無服但當舉服
之輕者以臨葬何也以喪遠故也顧服輕者莫如緦
故曰改葬之禮總舉下緦也舉下者舉服之最下者

也。緇者遠也。蓋總服十五升麻縷之最輕者故。江熙
曰。總居五服之下。服而以緇解之。古天子諸侯易服
而葬。以爲純凶之服。不交神明。况其遠者乎。此在范
甯註穀梁時。惟恐讀者不察。誤認總服爲三月。因特
爲註曰。非爲桓王服喪也。又恐人不信。復曰。甯之先
君與蔡司徒論之詳矣。甯父者。范汪蔡司徒者。蔡謨
也。乃作喪服記者。誤讀穀梁直曰。改葬總而鄭氏又
註云。三月而除之。則誤之又誤矣。漢戴德云。制總麻
具而葬。葬而除。魏王肅云。司徒文子改葬其叔父。問
服于子思。子思曰。父母改葬。總而除。則明是葬畢。卽

除之服故王肅原有不待三月之說而袁淮亦云喪
無再服此但以哀甚不可無服故但以總應之若必
終月數是再服也或者道除遷遠雖過三月亦可而
苟其不然不必三月卽後魏明帝集羣臣議亦謂喪
服之言本無指據至于鄭註尤屬乖舛請依服總旣
葬而除先仲氏亦云改葬有必不可服三月者人子
安可使父母有服總之名是以前明集禮直註曰改
葬釋服而長洲汪氏謂集禮所云但當釋總麻而不
釋三月夫總麻旣釋于何三月如果謂此無成禮在
人行服則或如何克庚亮齋綴改葬孫放斬杖闔門

反服亦當聽其自行無可如何但以之議禮則不容杜撰矣至于幼穉之服尤無明文或云弔服或云弔服加麻各不同蘇德云總服謂子為父妻為夫臣為君孫為祖則他皆無服今舉家三月固非禮然主人外亦當有易服者則或下子孫皆總而旁親弔服禮容有之

童子喪服說

童子惟三年之喪則制褻服喪大記子幼以褻抱之是也然雖記曰童子哭不偯不踊不杖不菲不廬則但一制褻而他不及焉若餘親則皆不能如所制之服獨喪服記云童子唯當室總言童子唯為父後持宗廟之重而當室者則與族人往來之禮故當為

族人制縗服而他卽不然今並無持重當室之童子矣則旁親之服可不設者但喪服于小功章又有昆弟姑姊下塲之文夫八歲至十一爲下塲而尚有弟妹爲兄姊服小功則七歲已制服矣故晉劉智謂七歲曰悼刑與禮皆所不及應八歲制服而吳徐整問射慈則直謂六七歲雖未爲童然布深衣可服也今無問縗與深衣童服若何大抵三年則孩抱服縗否則六七以上至于十五卒以布麻仿深衣之制而輕重服之何不可乎

喪服無心喪訖

春秋以前並無心喪之文。惟檀弓謂事師無服心喪三年。始有心喪二字。見于文間。然亦行文語詞有然。而後儒誤解春秋王一年而有三年之喪二語。真疑妻服三年。謂服喪一年。心喪二年。此屬笑話。徐仲山嘗曰。信如此。將必有以服君喪名方喪者。不聞孟子曰。禮爲舊君有方喪也。乃東晉賀循作喪服要記。有曰。公之庶兄弟父卒。爲其母大夫之庶子。父在。爲母皆大功。九月凡降服。既降。心喪如常。月又天子諸侯賤妾子。爲其母。厭于父。不得制。麤縗三月。薙訖而除心喪。三年。按此與漢戴德喪服變除所云。公庶兄弟

大人庶子爲母大功九月哭泣飲食思慕猶三年制
同然當時但云哭泣思慕未嘗曰心喪也自此以後
凡以私意爲短喪者動曰心喪如晉武欲終服而羣
臣阻之卽傳立杜預輩皆謂高宗諒陰但是心喪漢
文易曰心喪終制以至劉智作釋疑且謂小功以下
不稅服以無心喪之故而陳沈洙議元嘉立義心喪
以二十五月爲限何佟之儀註亦謂二十五月後不
復心禪竟使三年重服皆以心名不惟事君不方喪
將有事親不致喪者近世有士大夫以從軍爲名公
然易服曰吾服心喪嗟乎此漸不可長也 今制緣

情制禮上下通達並無厭調不伸之服須藉心喪如
劉智所云凡屈不得服者當有心喪之禮則此二字
原可不設因于說禮之次而并及之

喪有數閏不數閏說

死數閏月春秋文六年閏月不告朔猶朝于廟穀梁云閏
者附月之餘日喪事不數謂凡喪之事則不當數閏
月也但喪事有數端一則死之月謂閏月死也舊云
閏月死則當書所附之月謂前月也前月不可以再
書且或在下旬而入後月之月節將書後月乎此萬
萬不可者故何休曰非死月不得數閏正謂惟死月

可數。謂事以死月之必不可以改他月也。若春秋襄
二十八年乙未。楚子昭卒。其不書月者。非閏月也。卽
上十有二月之文。而連見之者也。其云數閏者。公羊
之誤也。

葬不數閏月一則葬之月。謂閏月葬也。閏月葬則必除閏
而計月。如大夫士之葬。一月死而三月閏。則閏可葬。
何則。已三月也。一月死而二月閏。則閏不可葬。何則。
猶二月也。故春秋哀六年閏月葬齊景公。而書例譏
之。夫景公以九月死。而是冬卽葬。則雖閏在十二月
亦止。及四月。而以此當諸侯五月之數。不綦速乎。

喪服總不數閏月一則喪服之月鄭志趙商問曰穀梁傳喪

事不數而公羊子藝齊景公傳又曰喪以閏數何也

答曰居喪之禮以月數者當數閏以年數者不數閏

以月數者何也謂功總計月則按月而訖其于月未

嘗少也若期與三年則以年數者以年數而缺一月

可成年乎于是班氏作白虎通亦有功總數閏期三

年不數閏之文而附太常卿牛弘遂于開皇年間奏

著爲令夫月猶歲也歲有十二月月有三十日歲月

之成數也徒以氣羸剝虛之故而爲之置閏閏固藉

之以定羸然實因之以補虛蓋是月之有餘卽前月

之不足也。此如桓公賦芋然。葬之四卽朝之三也。今乃以葬四之數爲賦數之實。則認四作四。桓公之禮矣。且其所云以年數而缺一月者。謂自正月數至十二月而少一月也。今有大功者于此須九月也。乃自正月數至八月而遽止。有小功者于此須五月也。乃自正月數至四月而遽止。則並少一月。而謂月數可按年數不可按。是掩已耳。而盜人鐘也。且公羊所傳者。齊景公也。景公君也。君服三年而乃謂功總喪略可數。閏月得毋齊之君可功總乎。况殺不可極。功總旣已殺而又殺之。則略略矣。予故曰喪服不數閏則。

合諸喪服言之。雖公羊穀梁總不足據而公羊說薄穀梁說厚吾從厚可也。

陽周忌在閏前月
數辟禪在閏後月

又有周忌後月適遇閏者如晉簡

文帝以七月廿八日崩再期而七月遇閏議者謂忌以支干爲數如子卯不樂是也。簡文以己未日崩而此時己未不在閏月十日則應以閏月作忌且喪用遠日此遠日也殊不如周忌數法決當在閏前月者如簡文以寧康二年七月廿八日崩則三年正七月廿八日實十二個月此周忌也。四年七月廿八日實二十四月則三忌也。此固不當數閏月然亦不當以閏

月。數。忌。者。蓋。數。正。不。數。閏。數。實。口。不。數。支。干。也。若。數。支。干。則。亦。偶。然。于。周。忌。之。後。遇。閏。月。耳。萬。一。以。去。年。六。月。廿。二。癸。未。日。崩。則。是。時。癸。未。當。在。七。月。之。四。日。越。一。月。矣。豈。喪。用。遠。日。可。遠。月。乎。且。子。卯。不。樂。非。以。支。干。數。忌。也。說。者。謂。桀。紂。以。是。二。日。亡。而。歷。遇。是。日。用。以。爲。警。其。後。凡。遇。他。忌。亦。借。以。二。字。名。之。實。則。得。罪。之。言。豈。有。君。親。而。桀。紂。之。者。故。或。閏。月。死。或。大。盡。日。死。次。年。無。閏。無。大。盡。則。權。以。支。干。當。之。然。亦。不。必。爾。何。則。閏。七。月。死。則。來。年。七。月。卽。是。忌。大。盡。死。卽。小。盡。是。忌。也。故。宋。孝。建。中。湘。東。太。妃。以。三。十。年。閏。六。月。

魏議以來年六月周忌七月祥練此是正禮若梁武帝謂閏是餘分而月節則各有所隸亡節隸前月則前月忌亡節隸後月則後月忌則在前月者適周一期而在後月則于周忌之外復僦一月爲喪用遠月仍不合耳

若夫數祥禪在閏後月者假如晉簡文以七月崩再期而七月遇閏則七月周忌後必越此閏月而後祥何則以二十五月祥也七月忌則八月祥也儻八月遇閏則八月祥後亦必越此閏月而後禪何則以二十七月禪也八月祥則十月禪也推之而小祥與除

服皆然特漢後儒臣多昧此禮當時諸博士議皆謂
宜問月祥練而晉尚書丞戴謐與譙王司馬恬且謂
閏在意外周忌已全何用于周忌之外復延月日但
聞凶事用遠日不聞凶事用遠月也而主者不察遂
用其議則二十四月而大祥不惟不用遠月且短一
月矣至宋郗陽王以閏三月薨議以三月周忌四月
大祥而庾蔚之自著喪禮稱極知禮者反謂祥忌宜
同月如閏三月薨則三月忌亦三月祥不出四月萬
一閏臘子而出一月則將在後年正月祥矣三載祥
練既失周歲之義冬忌春祥又乖致感之情其說固

斐然可聽。獨不思期而祥者。除此期十二月而後祥也。故又曰。十三月而祥。今三月期而三月祥。則祥卽在此十二月之中矣。十三月祥而在此十二月之中可乎。且期之喪有在臘。閏亡者亦必來年臘月而始忌。又明年正月而始祥。又隔一月而後禪。雖以期之喪而數當要會。猶且閏三年而不爲過也。况三年乎。後儒議禮。但聚訟而問有通者。反不爲時王所取。以致差謬。按鄭襄難范甯曰。閏三月。當以來年何月祥。甯曰。來年四月當小祥。明年四月當大祥。則此固不誤。又鄭襄謂荀司徒家祥除之變。皆用閏之後月。此

亦極是者然而其說反不行如何

喪禮言事不實說

喪禮無言事者惟曾子問檀弓二篇多據春秋事蹟
爲言以諸記禮者皆戰國以後儒也但其所引事一
往多誤大以戰國後儒引春秋時事相距不遠且事
又顯白卽其所引亦止此一十餘條乃無一不誤况
欲以此言春秋以前之禮可乎予嘗昌言禮備于春
秋韓簡子所云周禮盡在科者真非虛言故予傳春
秋特創爲禮例一科今此則論語孟子猶爲可信而
三禮反不與焉必不得已在春秋論語孟子三書所

無有者則然後遍考三禮而酌取其近理者以爲據此真學禮之法而世或不信故予復于說禮之餘指其不實者附載于此或曰三禮三傳皆可翊經禮與傳殊安知其非傳之誤而予曰不然三禮以三傳爲主何也以三傳前而三禮後也三傳以左氏爲主何也以左氏春秋儒而公羊穀梁皆戰國儒也且不特此也公穀舊稱爲道聽塗說之書而春秋經爲簡書左氏傳爲策書皆魯史也魯史有誤乎况此言禮者其所引事則非與傳忤而皆與經忤是直與孔氏爲難也吾故曰周禮以春秋爲主而論孟輔之三禮勿

與也

衛靈公無子
李桓子事

曾子問云昔者衛靈公適魯遭季桓子之

喪衛君請弔哀公辭之不得公遂爲主靈公入弔哀

公拜與哭康子拜稽顙于位有司弗辨也今之二孤

自季康子之過也

解見主喪說

按春秋靈公無適魯之事

且哀二年經書衛侯元卒卽靈公也至三年而後書

季孫斯卒卽季桓子也然則靈公之死在季桓子前

矣或曰季桓子之喪不必桓喪或是桓子爲喪主耳

若然則是時死者當是季平考季平之死在定公年

此時哀公未立也且桓子旣主喪安得康子復爲主

爵。類。就。位。據。云。二。孤。謂。哀。公。與。康。子。也。若。桓。子。為。主。

不。三。孤。乎。記凡稱某之喪皆指死者言謂某之死喪也孟子公行子有子之喪謂公行喪子耳

父主子喪此是正禮陋儒不識禮解作有人子之喪桓子路有姊之喪豈亦有人姊耶此云季桓子喪

父其誤

正同魯昭公少曾子問云昔者魯昭公少喪其母有慈母

良其死也公勿忍也遂練冠以喪慈母今之練冠自

魯昭公始也按春秋襄三十一年魯襄卒立齊歸之

子稱爲君是爲昭公時昭公一十九歲左傳稱一十

九年而有童心者卽史記世家亦然及立十一年而

其母齊歸之薨始見于經所云夫人歸氏薨又云薨

我小君齊歸皆是也。是昭公喪母時已三十歲而謂少喪其母可乎？

家語載此事稱魯孝公此亦正禮記之誤而故易一人以記之者要皆不

足據也

春秋無公儀氏

檀弓公儀仲子之喪檀弓免焉仲子舍孫而

立子爲喪主後子游問孔子孔子曰立孫按春秋無公儀氏惟魯穆公時有公儀休爲魯相孟子所云魯繆公之時公儀子爲政者是時始有公儀之族見于史傳然其距孔子卒時已七十餘年矣此必相傳有誤文耳

乘丘之敗必是乾時之敗之誤

檀弓魯莊公及宋人戰于乘丘賁

父御上國爲右馬驚敗績公隊車授綏公曰末之上
也縣賁父與上國俱赴敵死按乘丘之戰莊公用公
子偃之謀乘其未陳時從雲門出先蒙皐比以犯之
而後馳之宋師大敗春秋經曰公敗宋師于乘丘此
明明有經有傳豈可誣妄至此嘗推其所誤此必因
莊九年公及齊師戰于乾時我師敗績之事而移誤
者爾時莊公納齊公子糾與小白戰而致敗傳稱公
喪戎路乘他車以歸而戎有與御皆爲齊獲此則與
檀弓敗績隊車之言彼此相合雖戎有與御傳稱秦
子梁子與檀弓異傳稱獲檀弓稱死又異要是此一

事或者傳聞稍殊耳。檀弓道聽塗說以僵桃而令李代而鄭氏孔氏又皆不能以乾時之戰爲之駁正。嗟乎古文之難讀如此。

邾婁戰升陘不以邾婁復之以矢蓋自戰于升陘始也。

謂戰敗死傷者多故以矢復之按春秋僖二十二年魯及邾人戰于

升陘魯師敗績邾人獲公肩懸于邾城之魚門是邾

婁此戰最稱得勝而反謂死傷者多招魂以矢是乘

丘以勝爲敗而升陘又以敗爲勝正相對誤也春秋

凡邾公羊作邾婁

齊王姬制檀弓齊告王姬之喪魯莊公爲之大功或

曰外祖母也故爲之服按春秋莊元年主姬歸于齊
二年齊王姬卒其所以見書于經者以主姬下降必
同姓諸侯爲之主婚是時莊公以主婚之故王姬自
魯至齊而周制主婚之姬卒則以魯女聘爲之制服
故兩並書之乃曰爲外祖母服固已誤矣况此並非
外祖母按王姬爲齊襄公夫人而莊公母文姜爲齊
襄公弟是齊襄爲莊母舅而王姬者莊之母舅母非
外祖母也則又誤也

問于子游按公叔木公叔文子之子也據世本衛獻

公生成子當當生文子拔

論語朱註誤作公孫枝世莫能正按左傳公孫枝秦

大夫

拔生朱朱一作木一作戌戌者音近木者形近

也春秋定十四年公叔氏來奔故得與子游爲問答則是公叔木者公叔文子之子其母卽公叔文子之妻也豈有公叔文子之妻而改嫁異父者乎

公叔文子無衛衛難事亦不諡貞

檀弓公叔文子卒其子戌請諡于

君君曰昔者衛國凶饑夫子爲粥與國之餓者不亦惠乎昔者衛國有難夫子以其死衛寡人不亦貞乎按公叔文子卽衛獻公之孫公孫拔也其死諡文子並無貞惠之稱賑粥事不可考若衛難則見春秋昭

二十年盜殺衛侯兄縶傳是時衛侯卽衛靈公也兄
縶卽靈公之兄公孟縶也衛大夫齊豹北宮喜褚師
圃及公子伋作亂殺公孟縶而靈公出奔其時以死
衛衛伋者慶北公子南楚華寅褚師子申諸人過齊
氏使華寅肉袒執蓋以蔽公而當其闕齊氏射公中
公子南楚之背華寅先閉郭門而又踰城以從公公
始得奔于死鳥名齊地既而齊氏之宰召北宮喜喜之
宰殺齊氏宰而反攻齊氏滅之公還國與北宮喜盟
于彭水之上衛侯德北宮喜之反正滅齊氏也于其
死論曰貞子且奪齊氏之墓田而予之是以死衛衛

君者華寅公子南楚也

論語子謂衛公子荆謚貞子即此南楚期字也

謚貞子

者北宮喜也並未有公孫拔從亡以死衛衛君且得
謚貞子者是戰國後儒不見春秋而但聞是役有從
亡且有謚貞子者而遽以文子當之而不知其誤也
按謚法外內用情曰貞

川有無

愧弓背者孔子失魯司寇將之楚蓋先之以

子夏又申之以冉有謂先使往楚也按史記哀公三
年季康子名冉求而子貢送之又二年夫子遭陳蔡
之難然後使子貢至楚楚昭王興師迎孔子則是時
冉有已仕魯為季氏宰矣故哀十一年齊師之戰冉

子尚在軍計自三年至此年連歲仕魯焉得于哀之
六年忽有冉有使楚之事况子夏子孔子失司寇後
之齊之宋之衛之陳之蔡未嘗一從行也此又誤也

陳無太宰檀弓吳侵陳師還出境陳太宰嚭使于師夫

差謂行人儀曰是夫也多言盍嘗問焉按吳有太宰
嚭見左傳木楚伯州犁之孫仕吳及吳亡而復仕越
者此必誤問吳夫差時有太宰嚭其事而假侵陳事
而妄屬之不然未有同時同官同名而同與夫差相
周旋如此巧值者見太宰嚭官名陳有虞氏後焉得
有此

葬請斂棺弓襄公初于荆康王卒荆人曰必請斂
得人使巫先拂柩而後葬荆人悔之按楚康王卒在
襄廿八年冬斯時襄公未至楚方謀還而不果者至
是請斂在廿九年春則康王已在殯矣故左傳曰請
斂曰斂殯斂不是葬殯不是柩蓋國君三日而斂五
日而殯沐浴含襲皆在斂前贈斂則明可在殯後故
文九年秦人來歸僖公成風之斂則僖公之斂已及
十年不必真以衣尸者雜記亦云致斂之禮委衣于
殯東則殯後得致斂可知也若葬與柩則安能有踰
月不斂踰月不斂之理

季武子死。曾點倚門事。檀弓。季武子死。曾點倚其門而歌。按春

秋昭七年。季孫宿卒。史孔子世家。是年。值孔子一十七歲。方爲季氏史。卽孟子所云爲委吏者。是孔子此時官卑職微。尚不能身交武子。未聞孔門弟子有先與之爲友者。兄弟子列傳。子路少孔子九歲。而論語子路曾皙冉有公西華侍坐。舊註謂侍坐之次。以齒不以德。則曾點少孔子。當在八歲以下。童雖狂。未能倚歌也。王草堂作四書正誤。辨此甚具。茲不備載。宋襄公葬其夫人。醯醢百。檀弓。子口旣曰明器矣。而又實之。按宋襄之卒。在魯

傳二十三年此時孔子尚未生其必無曾子不待言也且宋襄安得葬夫人也文十六年傳云宋昭公將田孟諸未至宋襄夫人者周襄王之姊也使甸師攻昭公而殺之是宋襄夫人在宋襄死後二十六年猶能通公子鮑以殺其孫老未死也宋襄焉得而葬之
荒唐哉

子思無姓檀弓子思之哭嫂也爲位按史孔子世家孔子生鯉字伯魚伯魚生伋字子思子思生自字子上皆單傳者子思無兄焉得有嫂此與漢人謂直不疑盜嫂而不疑無兄正同兄自子上至孔鮒又五傳而始

有鮒弟子襄爲漢惠博士遷長沙太守孔疏引孔氏
連叢云一子相承以至九世是也乃証者亦知其謬
是以皇氏疑此子思或是原憲之字然原憲在當時
但稱原思否則稱憲如論語原思爲之宰憲問耻並
無稱子思者卽權以稱原思亦但稱憲如云仲憲言
子曾子而凡稱子思皆是孔伋如此下文申詳之與
言思也亦然言游苟非孔伋便加以姓其顯然分別
可驗也然則此不謂之謬不得矣